



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

VII. Quod si quis aliquam infra septimum annum desponsauerit, potest matrimonium cum matre eius postea contrahere, cum desponsationes & matrimonia ante septimum annum fieri non poßint, nisi postea ...

urn:nbn:de:hbz:466:1-15588

CAP. VI. *Idem GG. 7.*

Manifestum est , eum puberem esse , qui de gesticulatione sui corporis talis est , vt iam procreare possit , licet ad metas legibus diffinitas non peruererit.

CAP. VII. *Idem Eboracensi archiepiscopo.*

Accessit ad præsentiam nostram nobilis vir V Vilhel-
mus filius G. cum literis tuis , ex quarum tenore perpendi-
mus , quod cum filiam cuiusdam nobilis viri , dum esset mi-
noris aetatis , desponsasset , & ipsa postmodum assensum
in hac parte non præbente , antequam ad nubiles annos
peruenisset , celebratum est inter eos diuortium. Proce-
dente vero tempore , defuncto patre puellæ , matrem eius
V Vilhelmu sibi matrimonio copulauit. Quod quidem fa-
ctum cum sustinere nolles , eum solicite monuisti , vt ipsam
dimitteret : & quia monitis tuis in hac parte noluit acquie-
scere , ipsum excommunicationis vinculo innodasti ; Tan-
dem accepta ab eo cautione , quod nostram adiret præsen-
tiā , & super hoc statutum nostrum firmiter obseruaret ,
eumdem mandato nostro absolutum denuntiasti , & cum
literis tuis ad præsentiam nostram misisti. Verum præfa-
tus V Vilhelmu in præsentia nostra constitutus , sua no-
bis assertione proposuit , quod puellam illam , dum esset in-
fra duodecimum annum , desponsauit : postea vero ante-
quam ad nubiles annos peruenisset , noluit aliquatenus
consentire , vt præfatum V Vilhelmu in virum accipe-
ret : & ita cum patre suo , in cuius potestate remanserat ,
& cum prædicto V Vilhelmo , ad præsentiam tuam acce-
sit : & cum ab ore puellæ audisses & per patrem eius , quod
memoratum V Vilhelmu in virum nolebat , statim illum
in plena Synodo ab huius despunctione publice absolu-
tum denuntiasti. Elapsis pluribus annis post mortuo patre
puellæ , carissimus in Christo filius noster Henricus Anglo-
rum rex , matrem supradicta puellæ memorato V Vilhel-
mo tradidit in vxorem : quam ideo V Vilhelmu , vt discor-
dia orta inter consanguineos suos & consanguineos mu-
lieris sopiretur , accepit & solenniter despunctione , & sine
contradictione ecclesiæ duxit & ab ea liberos procreauit , &
puella fuit alteri viro copulata. Verum licet contineatur in

ANNO
CHRISTI
1779.

ANNO
CHRISTI
1179. literis ipsis, quod puella illa erat minoris aetatis, quando huiusmodi desponsatio facta fuit, tamen refert utrum cum esset minoris aetatis, fuit proxima aetati aptae matrimonio, aut infra septem annos. Ideo per apostolicam sanctionem fraternalitati tuae presentibus mandamus, quatenus veritate diligenter inquisita & cognita, si tibi constiterit quod puella praefata non esset septennis quando prememorato desponsata fuit, & postea in eum non consenserit, & quod idem V Vilhelmus ab huiusmodi desponsatione per te fuerit absolutus, matrimonium inter eumdem V Vilhelmum & matrem puellæ celebratum præcipias immobiliter obseruari, & eorumdem proles denunties esse legitimas. Quia sicut discretio tua non ignorat, desponsationes & matrimonium ante septimum annum fieri non possunt, si consensus postea non interuenit. Sane si praefata puella ante huiusmodi desponsationem septimum annum compleuerat, licet predictus vir a desponsatione ipsius puellæ ipso iure fuerit absolutus, cum ea in eum consentire solebat: in honestum tamen videtur, ut matrem eius habeat, cuius filia sibi fuerat desponsata. Verum si tibi visum fuerit, ut cum matre maneat, ne discordia inter utriusque consanguineos olim exorta, nunc autem sopita, denuo suscitetur, id dissimulare poteris, & aequanimitate tolerare. Filii autem quos ab ipsa suscepit, si eam tolerante ecclesia duxit in uxorem, a successione non possunt paternæ, vel maternæ hereditatis prohiberi.

Catus, vbi
matrimo-
nium a spō-
so cum ma-
tre sponsæ
contra cūm
tenet,

Iustitia pu-
blicæ hone-
statis.

C A P. VIII. *Idem Salernitano episcopo.*

Licet praeter solitum & amplius solito multis sumus & variis negotiis præpediti, ita quod non sit nobis facile aliorum consultationibus respondere, illa tamen spirituali gratia, quam ad personam tuam habemus, & fraterna caritate cogimus quid sentiamus de his super quibus consuluit nos prudentia tua, tibi, quantumcumque sumus aliis intenti, presentibus literis aperire. Consulisti nos siquidem, utrum inter virum & mulierem praestito, vel non praestito sacramento, si legitimus consensus interuenierit de predicti, carnali copula non secuta, liceat mulieri alii nubere: vel si nupserit alii, & carnalis fuerit copula secuta, an ab ipso debeat separari. Super hoc inquisitioni tuae

V u u iij